

Lejislasyon Eta New York egzije chofè yo pou yo itilize restriksyon sekirite yo lè y ap kondi nenpòt veyikil ki gen obligasyon pou yo ekipe avèk dispozitif atach sekirite. Lè yon chofè ki gen yon lisans apranti Klas DJ ap kondi, chak pasaje ki nan machin la dwe itilize yon dispozitif atach sekirite (yon senti sekirite, yon melanj senti sekirite ak bretèl sekirite, yon chèz sekirite pou timoun).

Si ou gen yon lisans apranti, men restriksyon ki aplike pou ou yo:

- ◆ Ou p ap ka kondi yon machin si ou pa gen yon chofè k ap sipèvizè ou nan machin la oswa ki avèk ou. Chofè sipèvizè a dwe genyen 21 lane oswa plis epi yo dwe gen yon lisans valab pou yo kondi kalite machin ou ap kondi a. Si veyikil la se yon motosiklèt oswa mobilèt, se sèlman chofè sipèvizè a k ap kapab monte sou li avèk ou. Sepandan, olye ke li monte sou motosiklèt la oswa mobilèt la avèk ou, chofè sipèvizè a ka bay "sipèvizyon jeneral" kidonk suiv ou epi rete nan yon ka kilomèt de ou, epi veye ou tout tan.
- ◆ Ou pa gen pèmisyon pou ou kondi yon veyikil ki gen materyèl danjere ladan.
- ◆ Ou pa ka kondi yon veyikil nan okenn zòn ke DMV deziyen kòm yon zòn tès pratik, sof lè w ap pran yon tès pratik.
- ◆ Ou pa ka kondi yon veyikil nan wout ki endike anba yo:
 - ❖ Nenpòt wout ki andedan yon pak nan Vil New York
 - ❖ Nenpòt pon oswa tinèl ki nan Vil New York e ki anba jiridiksyon Otorite Pon ak tinè Triborough yo
 - ❖ Wout rapid ki nan Konte Westchester sa yo:
 - Hutchinson River Pkwy.
 - Cross County Pkwy.
 - Saw Mill River Pkwy.
 - Taconic State Pkwy.

Anplis restriksyon ki endike anwo a, restriksyon ki endike anba la yo aplikab pou nenpòt moun ki gen yon lisans apranti Klas DJ oswa Klas MJ:

- ◆ Ou pa gen pèmisyon pou ou pote plis pase yon pasaje ki poko gen laj 21 lane ki pa yon manm fanmi ou nan veyikil la. Sa a p ap aplikab si chofè sipèvizè a se yon paran, gadyen legal, pwofesè edikasyon chofè oswa enstriktè lekòl kondwi.
- ◆ Okenn pasaje pa gen pèmisyon pou chita nan plas devan, sof chofè k ap sipèvizè ou a.
- ◆ Si w ap kondi nan 3 rejyon ki endike nan tablo anba a, ou dwe swiv règ ki dekri nan chak rejyon yo:

VIL NEW YORK (TOU 5 MINISIPALITE YO)	LONG ISLAND (NASSAU AK SUFFOLK)	UPSTATE NEW YORK (TOUT LÒT KONTE YO)
5è nan apremidi jiska 9è nan maten	5è nan apremidi jiska 9è nan maten	5è nan apremidi jiska 9è nan maten
Ou ka kondi sèlman lè ou nan yon veyikil ki gen kòmman doub (yon fren enstriktè) ak lè ou akonpaye avèk yon paran, responsab legal, moun ki "ranplase paran", pwofesè edikasyon chofè, oswa enstriktè oto-ekòl ki gen laj 21 ane oswa plis epi ki gen yon lisans chofè valab pou kondi kalite veyikil ou ladan l lan.	Ou ka kondi sèlman lè ou akonpaye avèk yon paran, responsab legal, moun ki "ranplase paran", pwofesè edikasyon chofè, oswa enstriktè oto-ekòl ki gen laj 21 ane oswa gen plis pase 21 lane epi ki gen yon lisans chofè valab pou kondi kalite veyikil ou ladan l lan.	Ou ka kondi sèlman lè ou akonpaye avèk yon moun ki gen laj 21 ane oswa plis epi ki gen yon lisans chofè valab pou kondi kalite veyikil ou ladan l lan.
9è diswa jiska 5è nan maten	9è diswa jiska 5è nan maten	9è diswa jiska 5è nan maten
OU PA DWE KONDI nan okenn sikonstans.	OU PA DWE KONDI nan okenn sikonstans.	Ou ka kondi sèlman lè w akonpaye avèk yon paran, responsab legal, moun ki "ranplase paran", pwofesè edikasyon chofè, oswa enstriktè oto-ekòl ki genyen 21 ane oswa plis pase 21 lane epi ki gen yon lisans chofè valab pou kondi kalite veyikil ou ladan l lan.

POU OU KAPAB PRAN RANDEVOU POU YON TÈS PRATIK

Ou ka pran randevou tès wout ou a nan dmv.ny.gov/roadtest, oswa rele Sistèm Planifikasyon tès wout la nan **1-518-402-2100**. Y ap mande w pou bay nimewo idantite 9 chif ki sou pèmi oswa lisans apranti ou an, **ak** nimewo ki sètifye ke ou Fini Klas la ki sou sètifika ou te resevwa lè ou te konplete kou sou sekirite otowout oswa kou edikasyon chofè ki te 5 èdtan an. Si ou aplike pou yon lisans chofè komèsyal, y ap mande ou nimewo ki nan resi ou te resevwa a lè ou te peye frè pou tès aptitud la.

NÒT POU TOUT MOUN KI GEN LISANS APRANTI KLAS DJ OSWA MJ: Anvan ou pran yon tès wout, **ou dwe gen yon minimòm 50 èdtan kondwit pratik sipèvize ki gen ladann omwen 15 èdtan kondwit apre solèy kouche.** Pou fè tès pratik la, ou dwe pote ak ou yon fòmilè MV-262 DMV ki ranpli (Sètifika Kondwit Anba Sipèvizyon) e ki gen siyati paran ou oswa responsab legal ou an. Ou ka jwenn fòm sa a sou sit dmv.ny.gov lan oswa nan nenpòt biwo DMV, oswa ou ka rele yon Sant Apèl DMV epi mande fòm lan.

REMAK POU TOUT MOUN KI GEN YON PÈMI APRANTI KOMÈSYAL (CLP): APATI 7 fevriye 2022, si w ap aplike pou yon CDL pou premye fwa oswa si w ap ajoute yon andòsman Hazmat pou Pasaje, oswa Otobis Lekòl pou premye fwa, ou dwe ranpli fòmasyon chofè nivo debitan (ELDT) anvan w pran yon tès wout CDL. Hazmat ELDT obligatwa anvan ou pran tès konesans sou Materyèl Danjere yo. Founisè fòmasyon an dwe anrejistre nan Rejis Founisè Fòmasyon an FMCSA <https://tpr.fmcsa.dot.gov>. Ale nan ELDT-FAQ <https://dmv.ny.gov/commercial-drivers/entry-level-driver-training-faq> pou jwenn plis enfòmasyon sou egzijans ELDT.

